

**Kuantan:** Jawatankuasa Bertindak Bencana Universiti Malaysia Pahang (UMP) menerima lebih tiga tan bantuan keperluan harian dan pakaian terpakai untuk disumbangkan kepada mangsa banjir di pantai timur.

Sumbangan itu diterima daripada pelbagai pihak seperti syarikat swasta, badan bukan kerajaan (NGO), individu dan kakitangan universiti yang prihatin dengan mangsa banjir di tiga negeri terbabit.

Ketua Haryani Abdullah berkata, pihaknya bertindak sebagai penyelaras bantuan yang diterima sebelum mengagihkannya kepada mangsa banjir secara berperingkat apabila semua kawasan surut sepenuhnya.

Katanya, ini kali pertama pihaknya menjadi penyelaras bantuan secara besar-besaran dianggotai lebih 30 ahli yang akan menguruskan barang diterima bermula daripada pengumpulan, pengasingan, membungkus dan mengagihkan.

Katanya, selain menerima bantuan seperti barang mereka juga menerima sumbangan kewangan dari individu tertentu dan wang diterima akan digunakan untuk membeli pelbagai produk.

"Saya berpuas hati dengan sambutan diterima daripada

## Tiga tan bantuan diagih

31/12/2014  
Rabu  
Hmetro  
m/s 52



### FAKTA

Selain bantuan barang mereka juga menerima sumbangan kewangan

mereka yang prihatin dengan mangsa banjir di Pahang, Terengganu dan Kelantan. Hampir setiap hari bantuan diterima daripada individu yang datang ke UMP kampus Gambang.

"Bantuan makanan diterima seperti gula, tepung, minyak masak, kopi, biskut, sardin dan beras akan dibungkus dalam satu bekas sebelum diagihkan kepada mangsa banjir," katanya ketika ditemui, semalam.

Beliau berkata, pihaknya hanya berpeluang menga-

gihan bantuan kepada mangsa banjir di Maran termasuk 88 kakitangan UMP yang terbabit dengan banjir, usaha menghantar ke kawasan lain tidak dapat dilakukan berikutan laluan ke tempat berkenaan terputus.

Haryani berkata, usaha menghantar bantuan ke Kelantan dilakukan dengan cara mengirimkan kepada kakitangan UMP yang pulang ke kampung masing-masing untuk melihat keadaan keluarga.

Bagi Siti Hajar Ariffin, 27, dia berbangga menjadi antara sukarelawan yang terbabit me-

nguruskhan bantuan diterima sebelum diagihkan kepada mangsa banjir kali ini.

"Walaupun tidak dapat turun padang membantu mangsa banjir namun saya tetap berpuas hati dapat menguruskan pelbagai jenis bantuan diberikan oleh mereka yang prihatin dan simpati dengan nasib mangsa."

"Bantuan kali ini bertambah dua hingga tiga kali ganda berbanding sebelum ini, tahun lalu sumbangan banyak diterima daripada kakitangan UMP dan beberapa individu," katanya.